



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ  
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ. 010-51-29-53 Էլ փոստ՝ <<Patrol-service@police.am>>

N 91/6020

15 > 09 2022թ.

**Արշակ Ենոքյանին**

Հասցե՝ ք. Երևան, Հաղթանակի թղմ, 2-րդ նրբ, 10 տ.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված թիվ 8200135099 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ <<3>>թերթ:

**Պետի տեղակալ,  
ոստիկանության մայոր՝**

**Դ. Օհանյան**

Կատ. Ա. Ստեփանյան

## Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 25.03.2022թ-ին կայացված 8200135099 որոշումն անփոփոխ, իսկ վարչական բողոքն առանց բավարարման թողնելու մասին

<<15>> 04 2022թ.

ք.Երևան

ՀՀ Ոստիկանության Պարեկային ծառայության պետի տեղակալ, ոստիկանության մայոր Դ. Օհանյանս, վերանայելով Արշակ Ենոքյանի դիմումի քննարկման արդյունքում ստեղծված նյութերը,

## Գ Ա Ր Զ Ե Ց Ի

ՀՀ Ոստիկանության պարեկային ծառայության Երևան քաղաքի գնդի 1-ին գումարտակի 2-րդ վաշտի ավագ պարեկ Արտակ Մանուկյանի կողմից կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն կայացվել է թիվ 8200135099 որոշումը՝ վերջինիս 20.000 ՀՀ դրամի չափով տուգանելու մասին:

Վարորդի նկատմամբ ՀՀ ոստիկանության պարեկային ծառայության Երևան քաղաքի գնդի 1-ին գումարտակի 2-րդ վաշտի ավագ պարեկ Արտակ Մանուկյանի կողմից կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն կայացվել է թիվ 8200135099 որոշումը՝ վերջինիս 20.000 ՀՀ դրամի չափով տուգանելու մասին:

Երևան քաղաքի Հաղթանակի թղմ, 2 նրբ, 10 տ. բնակիչ Արշակ Ենոքյանը 01.04.2022թ-ի դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 25.03.2022թ. կայացված 8200135099 որոշումը՝ նշելով, որ վճարելով տեխնիկական զննության համար նախատեսված տուրքերը տրանսպորտային միջոցը մոտեցրել է տեխնիկական

զննության ենթարկելու համար, սակայն կայանում էլեկտրաէներգիայի բացակայության պատճառով հնարավոր չի եղել իրականացնել զննությունը:

Միաժամանակ դիմումին կից ներկայացրել է «Մերսեդես» մակնիշի, WDB2030421F355236 նույնականացման համարանիշով տրանսպորտային միջոցի հարկային պարտավորությունների բացակայության վերաբերյալ ՀՀ Երևան քաղաքի քաղաքապետարանի կողմից 23.03.2022թ-ին տրամադրված տեղեկանքը, նշված տրանսպորտային միջոցի հարկային պարտավորությունների մարման վերաբերյալ անդորրագրերի պատճենները և տրանսպորտային միջոցը տեխնիկական զննության ենթարկելու արատորոշման քարտը:

<<Վարչարարության հիմունքների և վարչական վարույթի մասին>> ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով դիմողը հրավիրվել է Պարեկային ծառայության իրավաբանական բաժանմունք, սակայն չի ներկայացել քննարկմանը:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 25.03.2022թ. կայացված թիվ 8200135099 որոշումը ենթակա է կատարման հետևյալ պատճառաբանությամբ.

«Ճանապարհային երթևեկության անվտանգության ապահովման մասին» ՀՀ օրենքի 15-րդ հոդվածի 1-ին մասի համաձայն՝ Հայաստանի Հանրապետության տարածքում շահագործվող տրանսպորտային միջոցները Հայաստանի Հանրապետության օրենսդրությամբ սահմանված կարգով ենթակա են տեխնիկական զննության:

Նույն օրենքի 24-րդ հոդվածի 2-րդ մասի (ա) կետի 1-ին ենթակետի համաձայն՝ տրանսպորտային միջոցի վարորդը պարտավոր է երթևեկությունն սկսելուց առաջ ստուգել տրանսպորտային միջոցի տեխնիկական զննություն անցած լինելու կամ անօրինական վերասարքավորված չլինելու փաստերը:

«Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն՝ օրենսդրությամբ սահմանված կարգով տեխնիկական զննություն չանցած կամ տեխնիկական զննությամբ ի հայտ եկած՝ Հայաստանի Հանրապետության կառավարության սահմանած՝ տրանսպորտային միջոցների շահագործումն արգելող անսարքություններից կամ պայմաններից որևէ մեկի առկայությամբ տրանսպորտային միջոց վարելը՝ առաջացնում է տուգանքի նշանակում սեփականատիրոջ կամ տիրապետողի նկատմամբ՝ սահմանված նվազագույն աշխատավարձի քսանապատիկի չափով:

Ուսումնասիրելով գործում առկա ապացույցները, ակնհայտ է դառնում, որ «Մերսեդես» մակնիշի 07XX999 հաշվառման համարանիշի տրանսպորտային միջոցը (նույնականացման համար՝ WDB2030421F355236) տեխնիկական զննություն է անցել 26.03.2022թ-ին, մինչդեռ իրավախախտման փաստը հայտնաբերվել է 25.03.2022թ-ին:

<<Վարչական իրավախախտումների վերաբերյալ>> ՀՀ օրենսգրքի օրենսգրքի 281-րդ հոդվածի համաձայն՝ քննելով վարչական իրավախախտման գործը, մարմինը (պաշտոնատար անձը) գործի վերաբերյալ որոշում է ընդունում: Որոշումը պետք է պարունակի՝ այն ընդունած մարմնի (պաշտոնատար անձի) անվանումը, գործի քննության ժամանակաթիվը. տեղեկություններ այն անձի մասին, որի վերաբերյալ քննվում է գործը, **գործի քննության ընթացքում հաստատված հանգամանքների շարադրանքը**, տվյալ վարչական իրավախախտման համար պատասխանատվություն նախատեսող նորմատիվ ակտի նշումը, գործի վերաբերյալ ընդունված որոշումը:

Այսպիսով, դիմումատուի արարքում առկա են «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասով նախատեսված վարչական իրավախախտման հատկանիշները, ուստի ելնելով վերոգրյալից և ղեկավարվելով նույն օրենսգրքի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 25.03.2022թ-ին կայացված թիվ 8200135099 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Արշակ Ենոքյանին և պարեկային ծառայության Երևան քաղաքի գունդ:

Պետի տեղակալ,  
նստիկանության մայոր՝



Դ. Օհանյան